



人疏賦詩

奏議

順治十四年二月內巡撫甘肅都御史佟所等題  
免編丁徭疏為直述地方情形并陳補救五事仰

祈

睿鑒採擇以甦殘黎以固巖疆事准

軍戶部咨該臣會看得丁徭原同而甘肅一省與他  
國家之定制編審乃天下所通行况當此軍興旁午

財用匱乏之時臣豈不欲力圖舉行以濟  
軍國之急需但邊方與腹裏不同而甘肅一  
邊與別邊尤不相同別邊雖不如腹裏而土沃民稠審編  
之例猶可仿而行之甘肅一線巖疆孤懸塞外且  
四面番彝萬山叢錯天氣多寒多霜田地至沙至  
磧故前代於層巒疊嶂中止設十二衛三所所管實  
徵地亦止有四萬四千八百餘頃各軍出而荷戈  
入而負耒所以糧草之外並無別項差徭後雖聞  
有民種仍是頂軍代耕此甘肅自漢武至今從無  
民丁并未編審之故也至我

朝雖改軍為民而甘肅自闖回殺擄之後災祲死徙之  
餘田產之焚者荒者十有二三軍民之存者活者  
十無一二邇來文武各官百計招徠未歸之子遺  
尚且趨趨不前今一聞編審已集之哀鴻又將皇  
皇欲去至於寄住流商亦不過時往時來形跡莫  
定此編審之法有萬萬難行於今日者臣若不真

知難行而止據奸民之口是為欺誑若明知難行而猶不據實以

言是為溺職溺職之罪固臣之所不敢任欺誑之私尤

臣之所不敢萌也除將庫串私兌等弊嚴行禁革外

所有邊地審編一事既據各司道確查前來相應會同

督臣馬

按臣聶合詞具

題奉

旨戶部知道

前志奏議

明正德九年總督彭澤修復舊邊疏切見甘肅地

方雖云北控胡虜然惟也也克怯瓦剌二虜在北

耳其北虜大衆如小王子等并近年阿爾禿斯亦

卜刺等賊之巢穴則皆在寧夏之賀蘭山迤東宣

府大同二鎮迤西也也克怯瓦剌二種賊寇勢孤

力弱久不犯邊甘涼一帶近邊為患之賊皆自東

而西者也先年分守涼州副總兵趙英在任以前撥有官軍一千五百員名在於扒里扒沙暖泉等堡按伏分守莊浪叅將魯鑑在任以前撥有官軍五百員名在於速罕禿等堡按伏至於鎮番永昌之昌寧等堡亦各有按伏官軍前項堡分直抵各城要害高埠去處俱有墩臺洞以便傳報設伏蓋此虜欲犯中衛靖遠蘭州莊浪甘涼地方先擁衆至迤北大松山等處住牧肆出哨馬探聽我邊虛實及隄備緩急皆扒里扒沙等處分道入寇此處有備少則本堡官軍自足捍禦多則各城兵馬火砲傳到併力策應縱有小失不至大挫後自成化二十年以後副總兵李寬劉晟等忠義威名才畧勇敢俱出趙英魯鑑之下而鎮巡等官亦或未及前人一因挫衄遂稱各堡孤遠難守掣回原設按伏官軍祖宗以來百餘年之險扼一失而各城堡墩臺軍士屯田皆棄境外築打小邊離城一二里

者有之五七里者有之以致迤北達賊不拘多寡  
皆得以侵入我境阻截大路甘涼一帶地方人馬  
罷敝軍士困窮幾至不守職此故也邊防之壞莫  
此為甚臣愚乞勅兵部查議上請及今兵糧頗集  
河東臨鞏秦平甘肅等衛備禦官軍應合上班北  
虜正在草短馬瘦之際且總兵官徐謙原係涼州  
衛指揮曾隸趙英麾下叅將魯經即魯鑑之孫備  
知其詳而各官忠義威名才畧勇敢頗能追配前  
修行令統領漢土官軍前去扒里扒沙速罕禿等  
堡親詣踏勘將原先按伏城堡墩臺計處傳當仍  
行巡撫都御史督屬起倩軍夫措給口糧及應用  
料物趁時修築務要如舊量撥官軍按伏防守哨  
瞭及查鎮番山丹永昌甘肅一帶廢棄遠年應該  
修築城堡墩臺一體修復其哨瞭夜不收軍士衣  
糧尤在多方措處嚴立號令并輪換期限不許誤  
事如此則守備得安而賊之出沒可以預知非惟

莊涼甘肅地方可保無虞而中衛靖遠蘭州等處亦不被深入大擾之害矣  
明嘉靖七年總督劉天和陳言邊計疏畧訪得漢人歷年被驅掠在虜中者常數萬人每虜騎南牧近邊則脫身而歸然以守墩官軍殘忍貪功遇有到邊則偽舉火砲殺取首級冒報功次希圖陞賞是以來歸者尚少查得舊例遇有到邊鎮巡官查取姓名鄉貫差人伴送寧家夫彼皆中土良民我不能衛之保安致彼被掠彼不忘我冒死逃歸我不加恤又從而利其盜得之物此何理也切念先年曾因邊方缺軍懸賞召募每軍一名給銀五兩能召及百名者陞一級其所召者多老弱連囚之入然走回人口少小而去強壯而歸虜之伎倆知之稔矣其耐寒暑習戰鬪猶夫虜也以此赴敵所謂以虜禦虜也乃縱之使歸民伍謂之何哉近來各鎮將官亦有私蓄以備爪牙者緣未著為令故

所收者不多合無通行各該鎮巡官曉諭守墩官  
軍但有虜中逃回人口隨即收送鎮巡官處時刻  
不許遲留除老弱婦女照舊伴送寧家其精壯男  
子及十四五歲幼童若係本鎮附近軍民俱倍加  
撫恤編入衛所與正軍一體食糧無妻者官為娶  
妻無屋者官為買置發遊兵部下名為先鋒軍每  
遇出戰用以當先使之踴躍呼噪以倡士氣先登  
陷陣以挫賊鋒虜中騎回馬匹有堪以出戰者官  
給時價收買不堪者聽其自行變賣收送墩軍夜  
不收仍給官銀三兩以塞其貪功妄殺之心其視  
用銀五兩召募不堪之人以耗邊餉似有間矣若  
有貪功妄殺者下手之人抵命該管官知情者問  
發充軍仍行各該撫臣出給告示發各墩懸掛曉  
諭或別行召誘庶風聞塞外來歸者日衆每鎮若  
得千人以上鼓噪於軍中則三軍氣勝所向不怯  
而武功大振矣



明嘉靖十六年總督王瓊議處歲計疏查得甘肅一鎮兵馬歲支糧料幾七十萬動調客兵之費不在此數除秋冬例支折色外春夏例支本色該糧三十餘萬石每年陝西布政司歲派河東西鳳等府民運銀布折納糧三十一萬六千六百餘石京運年例銀六萬兩足勾折色支用其本色止有本鎮原額屯糧二十一萬三千三百八十石除節年拋荒免徵糧二萬二百三十九石及近年拋荒地糧約有五萬餘石外實該徵本色屯糧一十四萬餘石不勾半年支用通計一歲所入本折色糧不過五十一萬餘石比之歲用少糧一十八萬餘石中間災傷拖欠之數不預焉先年民運除折布外皆來本邊各以資貨易買本色上納軍餉既充民運亦便本色常足折色或少易於處補夫何司計者輕變舊規河東民運盡輸折色年復一年遂致本色不足存積益虧減支則怨議橫生稍裕則經

費不繼孤懸之地轉輸不通凶歉之年無粟可糴  
雖有智者亦不能善其後矣為今之計必須通變  
議處河東之折納已久本色既難遽復河西之困  
苦已極銀易決不可行惟有開市中鹽糧一事可  
以收積本色蓋商人射利勢所必趨斗頭稍盈亦  
多愿納必須將年例銀兩免其解發却將淮浙二  
鹽定作年例蓋鹽既有常商人必須預儲廣蓄以  
候開中豐年則令全納本色凶年亦可本折兼收

如蒙乞勅戶部查議自嘉靖八年為始每年奏開  
鹽課悉聽巡撫甘肅都御史查勘缺糧城堡照依  
時估定立斗頭出榜召商報中本色糧料務在積  
蓄有餘以絕和糴抑勒之弊若遇凶年米價高貴  
倉廩積有本色方許量納折色以待豐年折放如  
此庶軍食稍足邊方幸甚

明嘉靖二十五年巡撫都御史楊博議覆巡按御  
史張坪裁冗贅以省濫費疏畧曰議得制禦之方

不嫌詳密興革之際極當慎重且如涼莊遊擊一事卒然議設卒然議革若以今日之革為是則前日之設為非前日之設為是則今日之革為非理貴會通不宜懸殊荷蒙聖明軫念邊防下臣再議河西人士無不舉手加額以為神謀淵慮明見萬里之外臣自渡河而西周歷涼莊之間如古浪黑松安遠鎮羗岔口等處親見墩堡殘破耕牧廢弛行旅震懼固備詢守巡副叅遊守等官咸謂此正制黑松古浪以達涼州無事團聚操練有警分布截殺倘遇征調城池仍令備禦官軍照舊防守其遊擊官廨官軍營房并展修關城等項臣先是已嘗區畫停當容臣次第舉行近城荒田聽各軍自行開墾永不起科仍將遊兵除防秋時月不議外閒暇之時量為立班次令其取討衣鞋以示休息合用行糧草料即於安遠堡設立倉場或派給鹽引或發銀糴買委官收受務足支用應時月糧有

妻孥在衛者於本衛開支無妻孥者聽分守西寧道不拘常規就彼議給度人情事體兩不相妨實為長便

明嘉靖二十五年巡撫都御史楊博修築緊要城堡以弭外患疏曰議得本鎮地方斗絕羗胡之中孤懸河湟之外度勢審時較之沿邊諸鎮獨惟難守而經制長策大要亦不出於趙克國留兵屯田部曲相保塹壘木樵校聯不絕之數言蓋以靜制海套二虜交馳之所前巡撫都御史趙錦深知其患議添遊兵一枝誠於地方有益但彼時倉卒舉事慮之殊未周詳處之多久穩妥舊遊兵往來輪戍人猶以去親戚離墳墓為難今茲新兵經年在外不得休息以故人心厭苦首倡罷兵之說此處之未當一也原議春夏駐劄涼州秋冬駐劄莊浪不知涼州已有分守副總兵莊浪已有分守參將又留遊兵在彼所謂以有用之兵置之無用之地

處之未當二也客兵遠戍全在多方撫綏行糧既不以時查給月糧多被官旗侵隱且營房未設棲止無所感事興懷歸思孔切此處之未當三也今日之計補偏救弊則可因噎廢食則大不可盛夏之塵垢之衣少加瀚濯自當一新若四分五裂未免竟為長物所攄裁省遊擊臣實不敢輕議以臣愚見莫若將涼莊遊擊免行裁革照依永昌遊擊事例移於安遠堡駐劄東制鎮羌岔口以達於浪西動以逸待勞自足以坐收成美而區區攻戰之未不與焉臣以驚劣以今歲七月初始至鎮城深惟積穀重農第一要務故亟將屯田事宜議擬題請其次則繕城郭起塢堠謹烽燧良不容緩乃備行守巡兵備四道將縣鎮城堡墩臺通行查處昨因八月九月農工告畢已將甘州張欽等堡山丹石硤口等堡風營等墩高臺老鴉等墩永昌明沙等墩洪水門王邊等墩涼州張義等堡紅城子大

紅石山等墩古浪可可等墩肅州譚家等堡應添  
置者次第添置應修飭者次第修飭事涉瑣細不  
敢陳瀆聖聽外但惟鎮番地方北出涼州二百餘  
里曠遠寥瀛實與宣府獨石馬營相類昔人謂於  
涼州北境磧中建置城垣控其衝要自是寇不敢  
復至涼州城下即此處也乃今風沙壅積幾於城  
埽萬一猾虜突至因沙乘城豈惟涼永坐徹藩籬  
寔甘肅全鎮安危所繫至於涼州柔遠懷安靖邊

亦皆番虜往來出沒之所垣墻低薄壕塹淤塞雖  
嘗屢議修築止緣無人任事旋議旋罷今右叅政  
張璽欲要於鎮番添築關廂一則消除沙患一則  
增置重險并將修飭柔遠等堡事宜開呈前來謀  
之父老咸為可行質之官僚殊無異議急當整理  
但夫役動調衆多錢糧經費浩繁事體頗重固非  
臣愚所敢擅舉如蒙乞勅該部再加查議稍待來  
年春暖土脉融和容臣查照所議刻期舉行未盡

事宜竟自查處仍行參政張璽涼州副總兵蕭漢  
往來督視務期一勞永逸保障地方事完將用過  
錢糧撥過夫役備細造冊奏繳仍行守備蔡勳往  
來提調刻期完報  
明嘉靖二十六年巡撫都御史楊博奏改巡按御  
史兼理學政疏曰臣惟自昔聖王之政莫先於建  
學立師非徒為一時觀美之具也大要以明倫為  
上故學校荒穢則教化陵夷教化陵夷則風俗頽  
敗士綱人紀因之弗振其所關涉者豈細故哉  
國家自混一以來絕徼窮荒莫不有學其在陝西  
如延綏如寧夏則文雅蔚然科第相望本鎮百八  
十年來甲科不過一二人鄉科亦僅數人方之二  
鎮天淵懸絕臣近日將生徒畧加考校大半皆句  
讀不通之士亟求其故寔因提學官經年不到無  
所懲勸以故狼狽至此極爾夫甘肅禹貢雍州之  
域漢五郡之故地也明德碩望代不乏人乃今落

落至此臣待罪地方心切痛之議者皆欲責望于  
提學官本鎮去陝四千餘里提學官一人八府三  
邊皆其督理即使精力有餘亦且不能遍歷而况  
警報時聞動見阻隔弘治間提學副使楊一清始  
曾一至昨嘉靖二十四年副使楊守謙方至涼州  
又復中止非諸臣怠緩自廢官常此其勢固有所  
不能也議者又謂分巡副使可以就近督理夫分  
巡副使固為十五衛所糾察姦弊設也近日題奉

明旨與分守兵備分管地方如分巡副使則管甘  
山等七衛所一應錢糧出納皆其綜理駐劄鎮城  
時不可離乃責之以巡歷之役兼之以學校之政  
此其勢尤有所不能也議者又欲將管糧倉事復  
設分巡副使專管學政不知河西止十五衛所已  
有守巡兵備四員畫地經理官已備矣若又增設  
管糧倉事所謂官多民擾此其理又有所不可也  
臣嘗會集官屬父老人等遍加咨訪咸謂巡按御



史歲一巡歷所至未嘗不考校生徒止無進黜之  
權士心玩愒若使之兼董學政揆之事勢似為穩  
便臣又虛心量度御史管學官不增設而學政可  
舉其便一也學政既舉而澆漓之俗居然可變其  
便二也武弁子弟寄學作養忠義敵愾之氣因之  
發作其便三也環住諸夷習聞絃誦之聲踈野之  
性可以潛消默化其便四也用是不避煩瀆僭為  
陳請如蒙乞勅禮部再加議擬如果臣言可采將

本鎮學政照依遼東事例專勅巡按御史管理其  
陝西提學副使不必干預再照腹裏地方有有司  
官員月考在教官季考在府州縣官歲考在提學  
官上下相承體統不紊本鎮皆軍衛衙門掌印指  
揮千戶類多不解文義無能提調合無將季考事  
理甘山等七衛所行分巡副使肅鎮二衛所行甘  
肅兵備副使涼莊鎮永古五衛所行分守叅政西  
寧衛行西寧兵備副使各分投管理仍聽巡按御

史稽查復命之時第其勤惰一併舉刺臣之膚見  
如此事體重大伏乞聖明俯賜裁處  
明嘉靖四十二年巡撫都御史戴才議處極邊緊  
要地方兵將以弭外患以圖久安疏臣惟甘肅一  
鎮最為孤懸而防範機宜尤當嚴密所以然者何  
也蓋各邊止知防秋而甘肅四時皆防各邊止知  
防虜而甘肅則又防番防回兵馬奔馳殆無虛日  
凡可權宜裁處者皆次第舉行外竊照高台所設  
在甘州之西相去二百餘里土壤肥饒軍民富庶  
猾虜素所垂涎或番不時窺伺先年議設操守一  
員管領馬步官軍一千餘員名在彼防禦緣官卑  
兵寡番虜易玩每遇大虜侵犯動發兵馬設伏不  
惟徒勞軍士亦且糜費芻糧且住居之民多係四  
外流移姦偽百出難以制馭及照西寧巴暖三川  
介於山溪之中東接蘭州南抵河州西連碾伯尤  
為曠遠且土漢雜居番虜環峙中間膏腴相望黎

東成林少有不足狼犂剽掠此時雖設防守官一員摘發西寧官軍二百餘員名并彼處屯長土兵相兼防範每遇有警吳西寧頗遠加以蘭河逃遁之民附於其中相誘為非動倡悖逆此二處實不容不處也然欲為處必須增置兵將而增置兵將又當會計錢糧當此極邊詘乏之時如之何其可也臣查得甘州既設總兵官一員統領正兵三千及標下前鋒家丁勇士一千居中調度已足捍衛

又設協守左副總兵一員統領奇兵二千共駐一城似將有制之兵置於無用之地中間裒多益寡移彼駐此要必有道以通之也及質諸守巡二道李敏德張廷槐等會同總督三邊軍務右侍郎郭乾及巡按御史雷稽古議照高台與巴暖三川地方俱係富饒要害之處無事則彈壓軍民有事則防禦番虜誠不可缺人也酌量已久故敢冒昧上陳伏望皇上軫念河西極邊重地乞勅兵部再加

詳議如果臣等所言不謬合無將高台操守裁革  
左副總兵移住高台就將奇兵官軍摘撥一千員  
名與高台所見在官軍共合二千之數付之本官  
統領防禦其東而平川守備西而鎮夷操守勢相  
聯屬亦聽本官管轄調度應援截殺高台既議裁  
革却於巴暖三川地方比照碾伯添設操守一員  
再於西寧遊兵下班軍內撥發二三百名或召募  
一二百名與前軍士付之統領防守臣等又思作

事貴於謀始選將尤在得人查得甘肅坐營都司  
莫倦宅心勤謹生長西寧彼中土俗民情山川險  
易素所稔知若將本官改授巴暖三川操守添設  
之初凡一應防禦事宜必能有濟如此廢兵將增  
重番虜驚服軍民既有所賴地方可保無虞矣  
又疏議處增兵禦虜以安地方事據分守道察政  
主光祖呈稱批據涼州領班都司尹繼祖及防守  
安遠堡千戶王經各呈討要兵馬防禦等因到臣

看得都司尹繼祖千戶王經各陳呈擾緣安遠堡設在萬山之中止通一線之路番虜交衝孤懸可慮此王經所以屢屢請討欲增兵以壯威力也靖邊堡雖離涼州不遠然都司分管地方利害切身此尹繼祖所以一一請明恐減兵以致卑弱也調兵安遠防禦已蒙本院詳允備行尹繼祖將撥馬軍五十名并步軍五十名即發安遠堡聽王經統領防禦護送經行不許遲違轉行各官查照遵行外隨於接管卷內查得二十五年該前巡撫都御史楊博議將涼莊遊兵免行裁革移於安遠堡駐劄東制鎮羌岔口以達莊浪西制黑松古浪以達涼州倘遇徵調城池仍行備禦官軍照舊防守等因題奉欽依移駐訖彼時番虜寧息地方保安固可以為經久計也繼因大虜住牧西海遊擊兵馬分布設伏策應往來殊無虛日及徵調河東截殺數月方得回還而備禦官軍又掣於靖邊地方駐

劄三十七年據安遠遞運所申稱本站設立衝險  
通賊適中番虜侵害堵截經行本所走遞官牛但  
聞聲息不敢收放連日因餓實難存活乞將備禦  
都司兵馬發堡防守等因該前都御史陳斐者得  
靖邊相近涼州縱有警急自可設伏况安遠站遊  
擊官廳見存會行先任領班都司黃福統領防禦  
安遠堡駐劄四十年該分守道議呈都御史胡汝  
霖准安遠堡添設防守都司仍掣靖邊堡訖臣自  
渡河經過安遠站看該堡地方委屬衝險今該  
防守官軍俱在遊擊領班都司部下摘撥往往不  
便今據該道議呈前因雖經遵行先恐非畫一之  
法也事關軍務相應題請如蒙乞勅兵部再加詳  
議合無將安遠堡防守王經改發靖邊住劄防禦  
領班都司仍移安遠堡駐劄備禦番虜嚴謹烽墩  
護送經行防範居民樵採耕牧遇警收斂人畜相  
機戰守保安地方或怯懦僨事聽臣察究治罪其

涼莊遊擊駐劄黑松堡專聽往來策應截殺寇官  
有定守軍有戰志居民有所倚賴而地方可保寧  
謐矣

又疏比例添設防守官軍以禦番虜事據分守道  
王光祖呈據永昌守備張傑公同印屯指揮陳致  
揚天爵等詣境迤南臨山四坦朱黃校尉等堡寨  
地方屯田廣潤地勢平原居民住守賴以耕牧通  
年西番移住本境南山時常出沒貽患地方搶掠

居民耕牛剝奪衣糧人難住守告添防守軍兵修  
蓋公廨營房等因到道看得永昌東南臨山一帶  
屯田廣潤俱係澆灌肥饒之地邇來番賊移帳竊  
掠人難居住以致田地荒廢邊儲逋負既經各官  
勘議會同要於適中四坦堡添設防守真有裨於  
地方合無選委指揮張邦政防守并行遊擊劉承  
業於本營摘發有馬一百名無馬五十名統領常  
川防範及查先年脫逃未收月糧召募精壯約足

一百五十大名通前共三百名等因到臣會同平羌將軍總兵官呂經議照添設兵馬防護耕牧誠守邊第一要務緣四圻一帶地平水順前此番不侵擾人得業農屯稅亦易完納近年以來賊番跳梁居民流徙地上荒蕪糧草連負必須比照紅崖甘峻古城等事例添設防守官軍常川住守興復屯田殊為有益所據該道議處頗為周悉相應題請如蒙乞勅兵部再加查議合無暫於甘肅遊兵營

摘撥官軍一百五十員名行令指揮張邦政統領在於四圻堡駐劄防禦其各圻堡寨俱聽管轄後召選軍士完足遊兵掣回本官陞遷事故仍聽臣等會選委用至於修蓋公廨營房與夫建立倉場派撥糧草等項俱照原議施行

明嘉靖四十五年巡撫都御史石茂華議古浪西川築堡疏為添築堡寨阻遏番虜輸復稅糧保全生命事據分守道右叅政姚九功呈稱本道會同





P148

分守涼州右副總兵雷龍親詣古浪山後西川會  
勘得本川迤西一帶平原荒熟水地大約二十餘  
里已經開墾成熟者約十餘里特因本川西頭正  
當番夷出沒隘口近年屢被侵擾耕廢不一今要  
欲當隘口之處修築屯堡一座以扼番夷出路各  
軍餘情願各照原種田地多寡量出銀兩不等作  
為鹽菜之資官撥軍夫築打一堡不動官錢似為  
可舉合無行令涼莊遊兵營內量撥無馬軍人二  
水地任其墾種候三年成熟委官丈勘明白照畝  
收冊徵科赴古浪豐盈倉場上納仍輪班摘撥遊  
兵無馬旗軍五十名支給本等月糧在彼設伏防  
護耕牧等因到臣簿查先據古浪守禦千戶所納  
糧軍倉餘丁李倉樊相等各連名告稱本所原設  
八渠額稅不虧自嘉靖三十六七年來節遭番虜  
塗炭將西山渠田地原納糧一百餘石盡行拋棄  
見存者不過二三十石人民不得樂生稅糧不足

原數以此拖欠不得完納乞要於適中去處築堡一座撥軍防禦開墾荒田以便供稅等情已經批行分守西寧道會同分守涼州右副總兵雷龍勘議去後今據前因臣惟本鎮地方孤懸河外道路險遠本色糧草難仰給於內地而田地本狹出產有限開墾荒田修舉屯政乃經理之所宜先者古浪西川原係起科田地先年地方寧謐人得業農屯稅亦易完納近年以來番虜不時侵擾居人日漸流徙地土率多荒蕪以致額稅減少今據李倉等告要築堡撥兵墾田供稅此不惟可以開廣荒田將來有益地方亦足以扼制番賊不敢非時出沒既經該道會勘明白相應題請如蒙乞勅該部再加查議合無聽臣督行該道將築堡工程查照原議修築完報令李倉等自行蓋房居住共摘撥遊兵旗軍防護一節緣該營兵馬數本不多若再分散有事不敷調遣仍聽臣行令該道召募軍三

十名在彼防禦應支月糧於古浪豐盈倉按月開  
支委掌堡官一員嚴謹門禁關防出入遇警收斂  
人畜前項募軍就令本官管理鈐束若有聲息涼  
莊遊擊添發兵馬策應其荒蕪田地儘令居人墾  
種若原係起科者候三年成熟計畝徵稅原係拋  
荒者照例永不起科不得一槩徵擾不如此部也  
明嘉靖四十六年巡撫都御史石茂華議設莊浪  
兵備道疏為議處邊務以安重鎮事一改置寺官

為照本鎮地方隨在皆番虜之衝則亦隨在皆防  
範之處然就今論之亦不能無先後緩急之殊焉  
今所最當先而急者莊浪一帶是也莊浪有土官  
指揮魯東部下土達居住蓋係先年歸附之衆安  
紳於此當軍者雖至七百餘人而其族類蕃衍環  
內地而耕牧者無慮千萬矣先年魯氏父祖威令  
素行此輩俱守約束近日以來其中良善者固多  
然亦有習成獷悍蔑視法紀者而指揮魯東卧病

經年無能鈐制雖經題准令土官指揮曾相百戶哈聰管理然威信未孚不能展布如往年參將孟案責治少嚴即操戈嘯聚通判張相放糧少遲即率衆群起去年通判劉定楚因放月糧即聚衆打入府館雖事出有因其驕橫至此不已甚乎該衛屬涼州分守道去涼三百五十餘里先年曾屬西寧兵備道去西寧亦三百七十餘里其去鎮城且八百餘里緣地方隔遠控制自是不便或加以聲

息梗阻道路動輒不通而參將指揮等官多依違其間苟幸一日之安足矣非有通變輯寧之術行乎其間也譬之癰腫之疾止護忌撫摩因循坐視再無鍼砭調治之術欲其終不潰裂得乎况大虜近年常住該衛邊外相離止三四十里近者一二十里不時侵犯或遣輕騎數十剽掠行旅墩軍夜不收被殺擄者不可枚數而南山番族亦常竊發即今耕耘失業田多蕪萊錢糧匱乏行伍空虚至

於錢糧乾沒之弊亦比各處為甚前任撫臣戴才  
欲將行太僕寺改擬於此者其意亦為是也夫甘  
肅者全陝之屏蔽而在浪則甘肅之咽喉也在浪  
受病則全鎮坐困矣臣再思籌度必須設兵備專  
官一員方克有濟但添設官員似涉多事查得甘  
肅行太僕寺有寺丞一員自三十二年改註涼州  
專管莊浪涼州等處馬政事務頗簡合無將寺丞  
裁革改設少卿一員管前項馬政仍兼陝西按察  
司僉事整飭莊浪兵備移駐其地或以寺臣兼攝  
不便仍設兵備專官一員會同叅將督同指揮魯  
東等申飭法紀約束土兵或擇其族類之良者立  
為頭目分管以殺其勢或即其住居相近者使之  
什伍相保彼此覺察以聯其心要在處置得宜彼  
將自然帖服其土官志向可用者一體旌獎推用  
以示激勸仍稽察錢糧修葺城堡問理詞訟分守  
道不必干預合無就近推素有才望者令其速行

到任庶臣得與之區畫事情相度機宜則莊浪之事尚有挽回之機失今不處將來必至大壞極弊然後圖之恐煩費益多為力亦不易矣

明隆慶元年巡撫都御史石茂華議編設保甲疏畧為酌陳安民救時之要以慰聖心以隆聖治事為照百姓無知其情易渙保甲之法蓋協其渙於平時方可責其相恤相救於有事即古人比閭族黨之意也矧盜賊之起莫不始於細微而其蔓延

也至於不可撲滅使保甲之法行則禁戢既周妄念自殄姦尤之徒無所潛滋弭盜安民之畧誠莫切於此矣臣履任之初孜孜講求思欲效一得之愚以綏緝邊陲但邊方之於腹裏規制不同而軍衛之於有司事體亦異在師其意不泥其迹通其變以宜於民耳規畫已定臣與各該道常加督勵振飭之務期久暫如一民有固志庶實政可敦不至於議之詳而行之悖矣謹將議過本鎮保甲事

宜開款上陳如蒙乞勅兵部再加詳議如果可行  
聽臣督同各該道遵照施行  
一議審編為照本鎮地方逼近番虜軍民之居多  
在城堡墩院之內雖有散處而居者亦各有相近  
墩堡或農務已畢或有警收斂則皆歸墩堡之內  
非如腹裏之村落相望比屋相連者也城堡大者  
則有守備操守防守小者則有防禦掌堡官員或  
總旗平時則守護城池有警則收斂人畜非如內

地之村落各自為謀無所聯屬者也地方雖有竊  
盜而強盜頗少但在北虜則恐有姦細潛入覘我  
虛實在南番則恐有姦人交通致起事端雖有前  
項該管員役以總其槩若再加保甲以盡其詳地  
方尤為無虞但一槩施之恐有未宜相應酌處合  
無將各城堡等處但居人至五十家以上者人數  
既多該管員役恐譏察難遍各該道選委的當官  
員逐門查出不拘鄉官生員吏承軍民寄住人等



盡數以次挨編不許勢豪之家藉口優免止及貧窮下戶蓋此原為便於譏察以各保其身家非如徭役然得以例免也於十一家中選甲長一人統攝十家又於五十七家中選保正一人保副一人統攝五十五家俱要別無占役頗有身家行止端正素為衆所推服者克之保正副量免雜泛差役勿聽無賴之徒營克以為罔利之媒大抵自愛之人多不樂為此其營克而來者皆積惰蓄無良之心者也此全在委官斟酌之耳各以其便或自北而南或自東而西為序一甲既完挨編次甲一保既完挨編次保其止有三四十家者若必欲轉合取盈一保之數緣城堡隔越既不便於譏察邊方居人稀濶相去動輒數里亦不便於號召且人數既少既有該管員役又添保長似涉煩擾止隨其多寡編立甲長免編保長即令管堡官員總旗照保長之法督率譏察無官者仍編保長一人二十

家以下者免編保甲長亦止令管堡員役督率譏  
察無官者止編保長一人凡此皆須委官親身遍  
歷填註不得假手吏書以滋弊端編完之日委官  
動支官銀造花名冊一樣四本送該管官本衛所  
各該道臣衙門各一本備照不許假此科派紙張  
甲長置牌一面大書第幾甲保正副置牌一面大  
書第幾保各將本保甲居人各年甲籍貫丁口作  
何生理及佃戶住房人等備書於上懸掛各保正  
甲長門首務要比次相連氣勢繚絡各家各置粉  
壁將年甲籍貫丁口作何生理及佃戶住房人等  
亦備書於上但有遠出百里之外者告之甲長甲  
長遠之保正副回日一體告之保正副甲長不時  
查訪但有出外久不歸踪跡不明及有留住游食  
僧道倡優來歷不明之人或恣意非為不作生理  
倚酒行兇賭博為盜倡結白蓮等會煽惑人心窩  
藏奸細交通番虜等項者事輕本保甲徑自戒諭

令其省改其屢犯不悛及情重者告之官司究治  
如保正副甲長不行體訪同保甲之人不行舉首  
事發一體連坐庶編審之法不至煩瑣而防詰既  
嚴奸慝可消矣

一嚴選練照得編立保甲固使之互相譏察然防  
禦外侮充保甲之本意也平時若不簡稽壯丁預  
備器械練習武藝臨時何能責其從事乎但本鎮  
各城堡之內俱有官軍防禦即所居之人亦多係

正軍也編甲之法將以便譏察固不可遺漏其壯  
丁若照保甲內名數盡人編食恐於人情未便若  
將正軍一槩派及臨時有礙調遣若數人方合一  
丁邊方人數稀少又恐不敷防禦合無斟酌將正  
軍免派外其餘鄉官生員吏承人等則以家人佃  
戶出名併舍餘軍餘寄住民人每男子二丁出壯  
丁一名一家之內丁多者遞加止有一丁者二家  
朋舍一名有力者派執弓箭無力者隨便執鎗刀

木棍等項俱要堪用不得虛應故事編審已定籍  
名併其所執器械在簿保正副共置鐵銃三杆大  
旗一面上書第幾保甲長各置銅鑼一面小旗一  
面上書第幾甲平時每甲每日輪流二名日間察  
訪各家事情夜間巡夜隄防盜賊如遇強盜生發  
番虜零賊侵軼除自有官軍剿捕外保正副鳴銃  
甲長鳴鑼即號召同保甲壯丁協力堵截如遇傳  
報聲息除自有收斂官員及夜不收等役外保正  
副鳴銃甲長鳴鑼號召同保甲之人作速收斂其  
鄉隣保甲有事亦要互相應援倘遇聲息重大免  
其出城則止各督率本保甲之人不拘丁數盡數守  
城仍於城彙上各先書其姓名在上免致錯誤每  
月初一日保正具有無盜賊生發緣由結狀一紙  
赴該管官處投遞每於春冬隆隙之時各擇空便  
處所該管官督率保正副甲長壯丁演習武藝每  
月各六日此外再不許拘集以致妨廢生理如此

則不惟可以弭盜賊且可以防番虜而於城守之道亦相須矣督率五保甲長五巡檢一議賞罰為照保甲之法議之雖詳然非有賞以勸之則無以鼓其趨非有罰以懼之則無以警其惰合無以後竊盜生發直夜之人失於巡緝強盜生發同保甲之人失於救護聽保正副甲長查舉各重責問罪定限挨拏除獲賊外如不獲就令陪所失之物一半給與失主保正副甲長失於督率

隣保甲失於應援聽該管官查舉各酌量情罪輕重一體究治追陪若本有盜賊而隱不報官番虜零賊出沒失誤堵截傳報聲息失誤收斂聲息重大失誤守城者該管官各查明治罪情罪重者解送各該道究治有能拏獲別保甲竊盜一名者賞銀一兩強盜一名者賞銀三兩大夥賊首一名者賞銀五兩仍將各原贓一半給主一半充賞無主之贓盡數給之有能斬獲番虜首級者除本人照

例陞賞外該管保正量賞銀二兩保副甲長銀一兩其保正副甲長不許緣此擅受詞狀武斷鄉曲假稱名色科索財物擅起夫役生事騷擾違者許被害之人告發及該管官常行體訪拏問究治若督率有法盜賊屏息三年無過者保正給以義民冠帶保副甲長給以花紅犒賞仍令管事不願者另行選替以從其便其雖無大過而不能約束人者該管官亦即便換免致悞事處賞罰隨明則久

心知奮實效可臻矣

一定委官照得舉行保甲所以提綱挈領者臣與守巡兵備各該道之事也至於就近體察民情稽核勤惰非得專官曷克有濟本鎮地方原無州縣有司各衛所武職率多不諳事體一經委用即成騷擾查得各衛所原收有監督通判監收州判縣丞等官可以兼攝其事除審編各另選委官員外審完之日合就委令監督等官專管無前項官員

者方選委衛所掌印或巡捕及各城堡官專管平時則常加警覺有事則嚴行糾率勿縱下人騷擾勿非時點聞勿科罰紙張財物一應往來迎送濫差遺俱嚴行禁止別官不許干預違者查提重治如果督率有法盜賊屏息或於一年之中能捉獲竊盜十起強盜三起所管保甲有能斬獲番虜首級者年終該道查明呈報獎勵註以上考若督查不嚴以致失事者竊盜一次姑令換補強盜一次竊盜二次住俸立限換捕獲日方許開支強盜二次竊盜三次除住俸挨捕外仍重行懲戒其有失事重大及次數多者文職提問武職叅究治罪黜降仍各置循環簿二扇將保正副甲長壯丁姓名及有無盜賊生發捕獲過盜賊姓名按季赴各該道倒換查考各該道亦將委官姓名有無盜賊生發捕獲過盜賊姓名開呈臣處以稽勤惰庶責成既專則鈐束必力各不敢視為虛文矣

六 崇禮教為照法制所以防民之愚禮教所以興  
民之行二者之用常相須也本鎮雖介在邊鄙  
虜雜居然人性質直可與為善保甲固所以防之  
矣而教導誘掖以開發其良心較之內地誠尤所  
當急者除行令各該管官員表率鼓勵外似當舉  
行鄉約之法但於保甲之外別立鄉約恐涉煩碎  
人難遵守合無即於保甲之中寓鄉約之意各保  
各擇空閑處所不拘寺廟鋪舍或人家有多餘房

屋者上扁鄉約所三字仍置牌一面上書聖諭孝  
順父母六句每月朔望日卯時保正副甲長督率  
同保甲之人將聖諭牌置於香案上南向各相率  
五拜二叩頭畢以次序立每保中選識字者一人  
令其逐句講解曉諭旁引曲證使知為善之利為  
惡之害互相勸免敦崇禮讓懲忿息爭中有素行  
良善者眾人共推獎之取以為法仍公舉達之該  
管官各該道覈實轉呈撫按官於各處各立旌善



小木坊一座列名其上以優崇之其忠孝節義行  
誼卓異之人仍題請旌表量免雜泛差役以示風  
勵素行不淑者衆人共戒諭之使知自愧省改戒  
諭不悛則告之官府明治其罪無故不至者除一  
次姑免究外至二三次保正副甲長呈舉該管官  
處量行責治庶化道之下人知趨向而保甲之法  
愈見有益矣

明隆慶六年都御史廖逢節為申飭鄉約保甲以  
厚風俗以安地方事將先任永平編立鄉約書冊  
及查照前巡撫都御史石茂華題准編立保甲鄉  
約事理發仰陝西行都司儒學逐一檢閱會聚在  
城致仕文武鄉官并年高行端鄉老計議與土俗  
民情相宜所當舉行者列為條款送院察酌刊刻  
書冊通行守巡兵備五道將該管衛所城堡編選  
約正約賓保長總小甲壯丁甘州鎮城已編二十  
七約保得壯丁二千七百人各備執挈器械認定

城上朶口置刷格眼文簿動支本院有行紙贖銀  
兩定立賞罰規則無事督率操練自警擺守城池  
仍建立義倉積粟以備荒歉并遇警守城支用甘  
山高臺七衛所并各堡寨六年分已入倉糧一萬  
一千餘石其在外衛所編完肅州衛一十二約保  
壯丁一千二百人鎮夷所二約保壯丁二百人高  
臺所六約保壯丁三百三十四人山丹衛七約保  
壯丁八百三十六人永昌衛五約保壯丁五百人

涼州衛一十四約保壯丁一千四百人鎮番衛一  
十三約保壯丁一千三百人古浪所一約保壯丁  
一百人莊浪衛八約保壯丁八百人西寧衛一十  
二約保壯丁一千二百人其各屬堡寨照居餘多  
寡編設約保壯丁與各衛所堡寨積粟入糧各不  
等一體各備器械操練擺守賞罰支用俱經造冊  
在卷

明隆慶六年巡撫都御史廖逢節題為重任寺臣

減設屬職興屯田飭鄉兵以實邊政事據守巡兵  
備等道叅議等官梅友松李之茂錢進學姜廷瑤  
胡維新會呈甘肅遠在河西歷經前任撫臣經畧  
兵食恒足戰守多利斗粟尺布人不病饑家給人  
足而民不勤食所以操練有資兵出氣振有聲援  
鄉兵大挫賊鋒者有伏奇墩院而屢收戰功者今  
時則大不然語兵力東應則西無以援肘襟布露  
語軍餉則折納而市無所易合米數錢根極其故

在屯田則侵隱於豪舍者如通判柳遇春丈出樊  
世勳等各原屯而多餘一二頃者其官豪可知也  
占種於職官者如通判李成棟之占種荒地三四  
十畝其他武弁可知也至於渠埧之修濬不時撥  
補之苦累逃竄害之者衆為之者寡欲其不饑胡  
可得也在鄉兵則各該堡寨屯長雖間有收存名  
籍亦皆蝕毀不全至於土兵原給馬匹亦年久倒  
失散解不存高臺監收高鸞等之所查報者可徵

也其原給盔甲有損壞不堪披戴者有表裏脫落  
止存數葉者有十數副混損一處檢拾於土直者  
弓矢止餘弦筈形質火器多無鉛鉄石子刀悉改  
打私器處委官指揮張勳等之所呈報者可見也  
加以衛所之徵役無名而人心散失官府之團練  
久弛而規則徒存以守望相助之夫今皆為疾視  
長上之人徒責營軍以戰守又胡可得也今蒙本  
院申飭鄉約保甲選編壯丁乘暇操練以備固守  
已經冊報將拋荒地酌為起科開墾大約六年  
屯糧完報似易而墾軍完糧者三分之二見取實  
收呈報然屯田鄉兵邊方喫緊政務而甘肅經畧  
於歷任撫臣者皆有明效大驗雖良法美意俱存  
但興整於久廢之後必專官責成方可恃以垂久  
查得甘肅止行都司統轄一十五衛所此外別無  
郡邑有司可以委任圖理止有監督通判五員內  
多志趣卑陋才識短劣以賍敗論去者即三人如

查盤御史蕭廩查歲出歲入兵馬錢糧數目屢駁  
屢異皆據各通判之稽查其本分職務尚然望之  
以理兵屯胡可得哉然欲議設官未免增費合無  
將甘州右中二衛知事并甘涼監收州判一併裁  
革所遺俸薪等項於甘州涼州各設府同知一員  
專理屯兵再乞將各監督通判改與府同知職銜  
於才守優長者推陞如果整屯練兵各有成效即  
優以邊方監司以酬其勞再照官有專業而事無  
總理譬之襟幅具而領袖不備終非完衣守廵兵  
備五道各有分憲地方惟甘肅行太僕寺卿專理  
馬政事務頗簡合無兼以憲司職銜俾其不妨原  
務督各同知等官整剔屯政利害團練保甲鄉兵  
則官守得有綱紀而後政有考成等因到臣為照  
建置貴協諸輿論而損益當審乎重輕甘肅之屯  
兵整飭於歷任撫臣者委已輒效而侵廢况臣之  
經畫不逮於昔臣且弛久弊甚復之不易所據各

道會議欲裁革知事州判四員添設府同知二員  
雖官涉於建置而事若適乎輕重且所費無過增  
而又得人以立政將甘肅行太僕寺加以憲職俾  
兼總屯兵則官不增人督理有賴臣復三復圖惟  
目擊地方兵食敝狀套虜大勢趨環邊境時切畜  
艾得人為急為此不得已冒昧陳請如蒙勅下該  
部再加詳議如果臣言有據將甘肅行太僕寺卿  
兼以憲職改給勅命將甘涼監收州判甘州右中

二衛知事一併裁革於甘涼各添設府同知一員  
於臨鞏二府列銜在甘州者專理甘山高臺肅州  
鎮夷九衛所在涼州者專理涼永鎮古莊西六衛  
所屯田鄉兵寺臣於各道總督於上府臣各分理  
於下要將屯田在昔如何開墾絕無拖欠在今如  
何拋棄作何召種豪餘之侵隱者勘丈歸正職官  
之占種者清理還屯渠埧之修濬以時水利之均  
給以序撥補之偏累以革凡有病於農者極力除

之凡有利於耕者多方聚之務使近年拖欠盡復  
原額鄉兵在昔如何團練廢弛如今作何整復益  
甲之損失者務按籍以追陪兵器之改毀者務照  
件以查併攢籍嚴禁其筭欵期會不煩以定期操  
練務在於農暇凡可以興其中望相助之心者務  
隨機以鼓舞使人自為兵家自為戰斯於兵食有  
裨如是則於府臣優以邊方監司寺臣待以卓異  
超擢其各監督通判俱改同知恐涉煩瑣仍各照  
舊亦悉聽寺臣委用屯兵如此則官以事設不惟  
人將顧名思義而自圖奮勵如或事久因循亦得  
以因名責實而不致大廢也庶兵食有賴戰守可  
資而危鎮得恃等因該吏部覆奉欵依添設

北山前志碑記

明防邊碑巡撫都御史陳斐撰記曰關中出崤函  
之西去今京師二千七百里皋蘭大河所經與禹  
導水積石相接去關中一千二百里而張掖去皋

蘭復一千二百里酒泉尤遠六百里撐突河外孤  
懸絕塞開一路以通西夷之貢所謂斷北虜之臂  
義則次矣乃我境開拓於戎狄之區而迤邐祁連  
北阻龍荒南遶青海西引陽關之外瓜沙之墟皆  
自古氍毹息喙之區千里是途三面隣虜今之勝  
筭不在於能逐之在能禦之耳禦之方城守為上  
而河西城堡土沙礮而制低薄全無磚石券洞皆  
板門關無鉄窠之即頽燒之即煨乃知金墉玉關  
徒為稱美全無事實也予歲丁巳夏以陝臬廉訪  
奉命撫茲土大以弗稱為惧渡河即行四道各將  
令於大小城堡俱築垣陂浚池湟券更甃石門表  
鉄葉切慮近歲囊俺黠酋導以周丘攻城輒以鈎  
竿梯繩繫架它塔填壕洞堤鑿門燒櫓諸巧併力  
環以甲騎層射牌人牌人不敢倚堞而瞰彼即毀  
堞登陴雖垣塹稍修仍不足恃乃鎮城先築敵臺  
屹倚城外臺圍夾墻墻開放火器孔洞向外者遠



擊出壕堤向兩傍者順城雉而擊孔洞留三層下層用石鑿孔徑五七寸可放將軍砲擊賊近城下者中層用木剗通中孔徑三四寸可放蓋口諸砲擊附城而上者上層孔可放快槍強弩擊賊已攀近睥睨者每臺周圍洞孔開向八方而城每面六臺則火器往來交擊繞一城矣鎮城先築東南面十二臺乃照式行各衛所城堡各設四隅四座雖小堡亦各二座河西新設敵臺一時僅千座以聯

接不可無大墩因敵臺之式推廣之先製木墩為式令各築大墩中建實基臺用懸洞天橋而上墩外築城垣四面暗砌鉄門放將軍大砲多安放火槍孔券名曰鉄城迅擊基臺復廣前墩之式於墩之圍城外二隅建火洞砲眼敵臺二座臺制如城堡者而差小中層火器向外點放二臺護城四面名曰轟電却胡臺復廣前墩之式中建一臺即安火砲鐵門券洞於臺之下通出四面以大將軍砲諸

火器向外擊賊臺上有房多儲器糧臺中之底鑿井防火攻困名曰玉空飛震臺復廣前墩之式中建墩臺四隅築二實臺二虛臺虛臺中設火洞砲眼懸空安門置梯從此以上下名曰風雷太極臺造轉軸翻拍鹿角陷馬品字坑木鑽地網總名曰阨邊六險以城堡敵臺雖增而守之不可無械乃造諸械一曰夜叉懸木偶併架一曰懸石併架一曰流星鐵飛砲併架一曰鉤頭鏡一曰鐵巨斧一曰四股飛叉總名曰守城六將鎮城造一千二百座併衛所次之錐城堡小者亦造六十座併計河西各城堡總造萬餘又鑄鐵飛砲萬餘以諸械雖可守而行可為陣止可為營尤莫便於火車乃竭智殫思先造飛輪遊刃八面應敵萬全霹靂火車一百輛召選家丁勇士千二百立一營考火車陣圖為書付主者習演修整舊旋風砲火車百輛令洪水黑城等五堡共造百輛修整衝槍飛火獨腳車四

百輛諸種車通行各道各衛照樣製各千餘輛安  
置兵火器各萬餘名為破虜三車以勝敵莫利於  
火器而大砲尤可以擊厚敵破堅陣乃奏討察制  
大將軍二將軍砲各十位三將軍十五位討察制  
烏觜銃二十杆隨用火藥什物及皮袋藥規藥管  
等皆備再行分巡道行局用京降式造烏觜銃造  
金剛腿諸大砲連珠雙頭諸槍及鑄生鐵石榴砲  
共二千餘行分守兵備三道各造砲數稱是再發

價山西造快槍等近千件以火器尤資於硝黃馬  
子行闔鎮地方各熬火硝各伴人赴局學製未幾各  
處俱能熬硝製火藥藥餘數萬且令局鑄石榴砲  
一千餘鑄鐵馬子三萬各處俱令鑄鐵及磨石者  
而尤慮鉛則難繼泥則易碎有獻計謂磁窯造磁  
子可多辨試之大小八等堅圓光滑可用乃令鎮  
城燒百萬箇每萬箇量一石今已造五十餘石行  
各道俱如式造先是委官向京領年例硫黃逾年

未返予遣騎督責廼領硫黃三千斤來而往晉省  
造火器者亦鬻硫黃二千斤至顧火器已夥煮硝  
更繁硫足配合鐵磁子盈屋堆積剩供習放於是  
河西火器雄甲諸鎮矣此皆分巡王憲副繼洛協  
謀效力分守張大叅玳兵備陳憲副其學太僕寺  
黎卿克勳咸資畫理諸務稍次第而總戎徐雙峯  
公仁適至將城垣敵臺未完者相與督責築完即  
議併堡浚壕凡闔鎮之堡城隘人剽者歸大堡而  
堡垣之趾俱浚壕深濶以三丈為准足堪障禦乎  
惟在昔哲臣問學功業致極中和寅亮天地而今  
膺籌邊之寄者祇從事於制度脩為之間雖悉心  
綜理未免馳情機械宜乎來曲智之評而非輔世  
之畧也客乃謂予曰古人因時利物隨用治具咸  
運謀涉巧構思入神顧皆經濟之方闕用兵之要  
乃應世之不容已行所無事之知也如伶倫之律  
管灰室羲和之璇璣玉衡禹之治水鑄鼎周公刻

漏土圭及輿越裳之指南車斯數聖臣合德成務  
制器尚象而其精微玄奧之處得造化之蘊成天  
地之撰以通神明之秘觀數類物通變宜民寔神  
智之運而不可以偏智目之者也自後如漢之諸  
葛孔明宋之范文正稱百代殊絕人物然諸葛之  
治軍流馬木牛以供運餉制作精妙後世莫傳而  
營成八陣開合竒正予觀魚復江邊之壘見者稱  
為天下竒才文正之治邊通斥堠城十二岩細微  
纖悉予觀其峽山之屯取水秘井偵卒間道舊迹  
故在也二公當中夏稍弱虜敵方張故於此求殫  
心盡職隨事補裨固開誠布公之運用先憂後樂  
之敷施豈可以煩細而議二臣哉不此從事而清  
談廢事沉湎玩時以惜陰為俗吏以名教為贅物  
卒至荒媮墮落靡可收拾此晉魏之所宜戒而近  
世亦或崇尚浮虛論議空寂鉤竒延譽至目經畧  
為曲智彼自謂弃知之學不自覺其為不智之歸

矣以若人而任之鎖鑰其能克副哉後來者以茲  
為鑒庶脩此防邊之緒而不使墜焉矣

平涼趙時春表典祀忠烈記云昔夏后時之王天  
下也窮河源濬弱水以叙西戎聲教被于流沙故  
全涼之境遂屬雍州後王德薄威不及遠獯鬻猾  
夏侵敗王畧淪於異域漢武皇帝始播威靈雷振  
西庭風行塞外焚右賢之區落收三道之戎羗表  
河曲而列四郡芟樓蘭以震百蠻雖文德未稱而

雄畧廟筭巍哉邈乎謹按漢初置涼部刺史郡太  
守令長丞官以治民都尉護軍護羗諸校尉屬國  
官以扞邊後復有河西都尉行大將軍權宜諸職  
異代因革雖名稱異宜真偽淆亂大抵祖述漢故  
要在強兵富民而已地既僻遠衆雜羗胡犬豕相  
錯怙力負強競銳爭先人懷賁育之志喬峯四阻  
繚以大河黃沙白草迷漫連天風騎生列獸屯鳥  
散形擬金湯之除捍禦秦雍聯絡西域襟帶萬里

控制強胡勢居必爭之最德隆後服道汗先叛周  
被驪戎之難漢列河津之營唐設涇原之戍宋罷  
洮河之師小者稱公侯大者僭帝王強弱相噬互  
為雄長積骸崇丘流血丹川代有秦項之旤聖明  
受命宇內華夷各奠方位奉琛効順惟臣惟妾絃  
誦之聲洋溢四表然猶建關設戍虺虎之將熊羆  
之師綦布角張法固或渝時用乃斧耨誅鯨鯢威  
讓文告羽檄四馳故有策勲玉府勒名石室祚流  
子孫聞望無窮其效端可睹矣然則昇平之世良  
臣布德以宣化槍攘之時勇夫陳力以除凶大節  
既臨烈士隕身而效義潤澤流於生民勤勞在於  
社稷五祀之典禮莫先焉而令血食靡備報答未  
稱僉以為歎嘉靖十一年皇帝釐定典禮百神禋  
祀或興或革具如經義於是巡撫甘肅都御史趙  
君載祇承德意考據圖籍質諸見聞自漢迄于近  
代綽然可表者具以爵里姓氏檄下有司建忠節

祠以報功崇德既而涼州始興營田都御史牛君  
天麟初設行院亦共惇厥典遂下按察副使崔君  
允鳩工程作祠以落成益表其尤著者自孔奮而  
下凡十八人北堂南嚮中分左右以差其次則吳  
克忠慕弘義東序西嚮李晟丁剛西序東嚮兩廡  
則指揮包翼等八人主書爵里姓氏具如式春秋  
祀事如典制無或不虔牲將麗崔君以其碑之文  
託諸平涼趙時春時春惟古之忠臣賢士沒而朝  
食于其士者非唯人心有所不忘且將使後之人  
見之者有所勸而興起今諸君修祀前人之忠賢  
以示後人安知後之人不有高諸君之風復將以  
繼前人而示後人也法當為銘銘曰崑崙西極實  
生大河千里一曲秦涼是過唯河萃靈蛟龍龜鼉  
其光屬天寶藏興焉駿馳名馬法法如泉國之所  
重以制百蠻基自漢皇邈乎神禹右臂既渥九山  
實旅茫茫涼野遂通諸華張官置吏戎夏一家紛



紘五王陵籍魏晉凶德參爭居仁則潤叔唐衰宋  
九州振動天人濟時百則咸正雲雷解屯旱極而  
雨喁喁黎庶云胡不喜亦有雋豪能捍大患爰柝  
鏡梟救災止亂或勤王家奉以義勇有嘉折首不  
難不棟是曰忠賢實惟文武名垂竹帛震耀今古  
帝畀重臣來撫來巡佐以憲使保釐邊民既繩微  
蹟妥修祀典佑啓後人永矢弗諼為臣思忠為政  
思賢佐我昇平于億萬年

定松山碑松山延亘兩河為阿赤鬼壽所竊據者

百十年矣明萬曆二十六年秋九月巡撫甘肅兵

部尚書田公樂謀諧帝幄師應天弘屬鵬與西寧

兵備右布政使劉敏寬在浪兵備按察使梁雲龍

甘州兵糧分廵副使李景元涼州糧儲分守右叅

議張蒲分旄五道又屬甘肅總兵都督同知達雲

甘州副總兵馬應龍涼州副總兵姜河永昌副總

兵王鐵塊鎮番叅將葛賴洪水鎮夷涼莊遊擊保

定徐龍朱啓來張守信等帶甲萬人勦除兔虜  
復松山宣廟畧於河西掃胡塵於漠北秦龍沙  
捷屯虎城之田業與方台爭流名與天隴俱永  
相與勒之琬琰以記歲月云整飭肅州兵備陝西  
承宣布政使司右布政使崔鵬謹書樹石於大靖  
察院書曰公學精於古而志於今公之學西  
百前志詩歌  
唐王建涼州行云涼州四邊沙浩浩漢家無人開

舊道邊頭州縣盡胡兵將軍別築防秋城萬里征  
人皆已沒年年旌節發西京多來中國收婦女一  
半生男為漢語番人舊日不耕犁相學如奈種禾  
黍驅羊亦著錦為衣為借氈裘防關時養蠶繅繭  
成疋帛那將繞帳作旌旗城頭山鷄鳴角角洛陽  
家家學胡樂  
杜甫送長孫九侍御赴武威判官詩云驄馬新鑿  
蹄銀鞍被來好繡衣黃白即騎向交河道問君適

萬里取別何草草天子憂涼州嚴程到須早去秋  
群胡反不得無電掃此行收遺氓風俗方再造族  
父領元戎名聲閣中老奪我同官良飄颻按城堡  
使我不能餐令我惡懷抱若人才思濶溟漲稱絕  
島罇前失詩流塞上得國寶皇天悲送遠雲雨白  
浩浩東郊尚烽火朝野色枯槁西極柱已傾如何  
正窮昊

明正統間四明張楷過涼州詩云曾聽涼州惜遠  
征馬蹄今過武威城番胡共指山為界郵傳皆憑  
堠記程綠水繞畦瓜未熟黃雲翻壠麥初成解鞍  
偶向河橋息幾處謳歌賀偃兵

明巡按御史甄敬出塞曲詩云漢家推轂重專征  
天子親勞細柳營雷動軍聲吞朔漠雲橫士氣作  
長城邊烽昨夜照松山漢將分兵度玉關轉戰  
崑崙河水逆胡風吹血浣塵顏飛將關弓出武威  
矢窮格鬪救兵稀天山虜騎重重合月黑風高夜

潰圍八月穹廬朔雪霏草枯風急鴈南飛胡笳  
吹斷清秋月一夜征人淚滿衣結髮從征不受  
封橫行十萬逾青松洗刀九度長流水勒馬三危  
第一峯邊庭血戰幾經秋白首雄圖未肯休誓  
繫單于歸漢闕馬悲李廣不封侯征旗夜夜捲  
胡霜輕騎追風不可當天寒雪大迷歸路蔥嶺山  
頭望故鄉黃沙白草望中微瀝瀝寒風動鐵衣  
馬支直擣扶屠遁萬騎遙從天漢歸

明恤刑郎中陳斐聞邊警詩云過午風塵塞日黃  
紅旗閃火甲鋪霜龍城管有嫖姚將縛取扒沙台  
吉狼塞草青青初夏肥胡人數百敢成圍漢家  
猿臂將軍用野馬黃羊盡奪歸昨宵長矢射天  
狼頓見旄頭夜少光投筆請纓白面事吉囊聽報  
遁歸忙胡從青石碛邊遁予向黑松嶺下回須  
是天工洗兵甲黃沙一雨靜無埃水泉驛見燕  
詩已過春風四月寒呢喃雙燕未垂簾天涯傳館

原為寄社後歸還又是年多少謝家開畫閣差池  
秦塞宿脩緣要知宇宙皆迭旅碧海烏衣別有仙  
永昌詩玉門只在燉煌郡紫塞仍看朔漠臺雨  
露趨陪虛瑣闥雲霄獻納憶蓬萊五年使憶將春  
到萬里孤槎泛斗回玄圃瑤山聞不遠勝遊何必  
訪天台史記得徃時優詔許承恩將母出金臺每  
思袞職還供舜且喜班衣暫舞萊河隴今勞千里  
夢輶輪原擬隔年回遙瞻北極連西極敢羨中台

映下台

柔遠驛詩乃示蘭接古戍雄鎮望姑藏石合

平途亂溪分濶野長山光遙黯淡雲氣薄蒼茫駐  
馬投前驛聽鶯憶上陽果陳紅碧飯茶煮麥椒湯  
六月峯凝雪三時氣帶霜林稀無衆鳥夏半少群  
芳隨地馳春憶殊方任冷腸蘭山路尚遠榆塞地  
尤荒長劍崆峒倚芒寒天外光松林驛詩塞外  
山紅草色白何得青松濃翠積群峯楂枒走蚪龍  
高嶺密森排檠戟六七十里琴瑟風百千萬疊蒼

綠壁我騎玄鶴五雲來伊洛嵩丘纔咫尺西登太  
華傍天壇遂訪河源看積石玄圃增城白玉樓崑  
崙窮探僊真跡浴鶴瑤池水正清扶桑晒羽金霞  
赤須臾返馭過松林頓覺清風生兩腋安得此山  
化作飛來峯飛向頻陽如手擲待我晚年築室  
結巢隱其下松陰滿牕鶴一隻閒時鶴舞伴吹笙  
松頂月明烟靄碧

明甘肅巡按御史甄敬過大河驛詩云黃沙漠漠

望中迷黯淡陰雲高復低古戍春深淒碧草孤城  
亭午唱寒鷄匈奴幾度恣蠶食漢將連營駐馬蹄  
安得班生重斷臂封侯萬里玉門西

丁昂詠涼州城南三十里金塔寺詩云千尺浮圖  
插上蒼禪宮七寶燭靈光長虹隱映消殘雨孤鷺  
相從趁晚涼近接彩雲飛太華遙隨紅日映扶桑  
崑崙赤水原蒸結直可朝餐未有方

徐廷璋詩云寶塔稜層倚漢蒼危闌峻級映金光

煙收暘谷重霄靜綺散晴空大地涼時逐長虹歸  
渤海每隨孤鷺落扶桑試詢方外希仙侶肯示朝  
餐一秘方

趙琰詩云寶塔層層近碧霄何年締構望中遙瀟  
風金鐸聲偏遠初日孤標影欲飄東竝華峯迥巖  
氣上連銀漢裊天瓢誰知千古珠林地永鎮邊庭

壯聖朝

戴弁詩云不省何年締構功一峯突兀白雲中

臨北極天光迥低壓南山地勢雄風送鈴聲來碧  
落雨收虹影入晴空何當平步丹梯上盡日徘徊  
興莫窮

明永樂初謫工王慎機詠鎮番蘇武山高羯胡故  
壘紅崖隱豹靈窟卧龍小河垂釣紅寺農耕菜菔  
閑雲黑山積雪詩云山名蘇武說當年萬仞孤高  
尚嶷然日照丹崖連曙色雲開翠岫障晴天古祠  
零落封秋草幽窟荒涼鎖暮煙屬國歸來旌節老

恨隨流水夜濺濺  
大明紅日麗天中  
胡羯腥膻一掃空  
無復琵琶彈舊曲  
空留壘堞識遺踪  
夜涼蟋蟀悲明月  
露冷蕪葭泣素風  
惟有舊時巢燕在  
訴非昔日主人翁  
峭壁懸崖映絳沙  
石前玄豹隱雲霞  
春深雨露迷文質  
夜靜風霜護爪牙  
野鳥呼風天莽萃  
林鴉噪晚樹槎枒  
虞羅已啓成湯祝  
穩向平原卧落花  
湖東闐寂有深潭  
靈物蛻蛻黑處蟠  
紫色天高雷不震  
邃宮水煖夢初安  
明珠

下起青霄照微雨  
常滋白晝寒  
只恐天宮嗔懶癖  
六丁鞭起濟凋殘  
麗水滔滔逝不休  
漁人生計在江頭  
楊花雨暖投香餌  
蘆葉霜清撒釣鈎  
唱曲喜聞兒共咏  
問沽忻與掃同謀  
烟波托命隨時過  
何用聲名到九州  
太平萬古肇隆基  
紅寺農耕樂最怡  
白酒祭神時歡飲  
烏犍帶雨晚初犁  
滿流流水楊花舞  
萬頃膏腴麥秀肥  
田畷逡巡時慰勞  
三邊應得洽雍熙  
萊菔山高聳碧天  
浮雲終日



亦油然因風豹隱升松嶺和霧蒼茫鎖洞前無意  
從龍相上下有時伴鶴自踟躕朱炎大地城枯槁  
空使蒼生矚望懸空山連日雪漫漫天霽雲開  
海宇寬瓊樹歌風銀葉老瑤林向日玉枝寒晴天  
冷艷欺紅日陰氣寒凝積碧岩冰花雖落殊絕頂  
也有陽和到朔邊

岳正詠蘇武山詩云迢迢石徑路人稀峯嶺連雲  
接翠嶽沙遠雪深樵不到山高風冷鴈難飛千年

台上生香草百丈岩前長翠薇昔日書成憑浪語  
方知漢將得東歸

游堅詩云一十九年心缺石輝煌漢節自堅持白

雲東望常凝涕黑水西流獨慘悽寒透皮裘人已

古春回草木鴈來遲蕪台歲歲堆殘雪還似蘇君

在牧時

都御史劉璋詩云一十九年與死期只將漢節強  
支持心扶日月泰雲上恨洗腥膻黑水涯雙膝窮

廬終不屈一行鴈足未為遲川源望處堆殘雪猶  
似羊裘在牧時云一十以平與仄限及林葉命既

御史張鵬詩云憶昔典屬國牧羝北海邊節旄隨  
髮盡霜雪貫心穿落日羊歸隴西風草起煙空餘

荒塚在蕭索卧沙川

西旅歸州州刺史張鵬

參議張琳詩云盛世封疆萬里賒南窮海濱北流  
沙中郎精義編青史誰道張騫泛海槎

副使吳鎰詠涼州城東北一里許魚池詩云客裏

聊登塞上樓陂塘雨過正清幽萬山雪霽寒猶劇

四月風高柳尚柔清海蒼茫微見月黃雲歷亂早

驚秋凭欄一笑山河勝俯仰乾坤足壯遊下亦壯遊

提學戴珊詠永昌城南雪山詩云甘泉西去路遙

遙蠢爾羗胡手可招禹積所窮聞弱水堯仁無外

仰當朝半生馬足塵相逐四月山頭雪未消向日

土風隨好處菁莪棧樸起新謠青山靈廟

流寓丁昂于鎮西樓聞角聲詩云朝來盡角起城

頭三弄梅花動客愁孤館驚回吳國夢高樓吹斷  
玉關秋塵生碧瓦霜華重月落青山露氣浮多少  
鄉心歸未得不堪聞此淚長流  
詠涼州城東五里有宋狄青為招討時築臺詩云  
招討荒臺四百年涼州風月幾淒然白旄無復麾  
西塞故壘仍前駐北川每歲春風霽碧草有時朝  
雨起寒煙胡兒晚牧惟羊馬不見遊人去醉眠早  
明都御史徐廷璋詩云築臺招討說當年此日臺

荒倍慘然風送輕雲飛故址雨餘芳草長平川披  
簑農父耕殘月荷杖山童牧曉煙今喜太平烽火  
息守臣幸得一安眠

又詠古浪河城南八十里詩云元振當年握重兵  
和戎計就築斯城水通古浪鼉聲吼風過黑松琴  
韻清千載謀猷惟雉堞累朝興廢一棊枰于今文  
武衣冠盛四野熙熙仰大明  
黃道蘇麻天盡賦  
謫戍御史湯禹詩云峯回路轉樹蒼蒼望入平沙

是戰場地接羌胡嚴圻堠山分天塹壯封疆河流  
風度灘聲急成堞雲來日色黃遙指肅州天盡處  
桑弧蓬矢志初償與察一恭錄于今文  
巡撫都御史趙錦直隸良鄉人明嘉靖二十三年  
任政尚寬厚得人心去之日軍民遮留塞道賦訓  
俗太平歌為別去後餘年猶有涕泣思慕者其歌  
曰五月甘泉清且冽祁連萬古猶封雪守朴道人  
行色忙短歌聊向父老別追思去歲我西來夷虜

兵荒實可哀憂心悄悄不遑寢欲把元氣深栽培  
平生所學誠為主民吾同胞物吾與視之如傷敢  
憚勞病軀報國恒自許疲軍羸馬困已極百孔千  
瘡真慘惻積儲較射竭凡庸禦侮安邊籌上策痛  
懲梏剋淬劍鋒三令五申練精忠昨冬仰賴朝廷  
福朶蘭百戰樹奇功方喜遭逢酬素願白壁青蠅  
誰復辯今朝幸賦歸去來丁寧仍為諸君勸孝順  
父母怡兄弟教子隆師睦鄉里皇祖遺文鑒在茲



P.192

軍民長幼皆當體士農工商儒釋道首政還須與  
學校豐衣足食本分來休喪良心為物盜苦耽狂  
藥非佳品斲臍日高猶未醒禹惡旨酒惜寸陰吾  
人可不重思省男務耕兮女務織活計千般斯第  
一天子籍田后親蚕匹夫匹婦寧安逸莫通番兮  
莫借債天命流行無災害勤儉成家懶惰窮謾言  
富貴恒相待敬老恤孤又憐貧陰隲從來好發身  
孰道眼前無報應古今積德在兒孫賊虜交侵宜  
芳罕逢殊乎中國蓋土地之所鍾也其城廓粉蝶  
連延周迴數里巷曲交通室廬櫛比人雜夷夏貧  
填闕市紛紛貿易嘔啞言語其地與漢武開邊置  
郡立名克國也田且戰且耕符堅始據姚萇繼興  
五涼更替逮唐始平其景物鎮西曉角大雲晚鐘  
金塔晴霞天梯古雪狄臺煙草平沙夜月綠野春  
耕黃羊秋牧其原隰溝洫不齊或凹或高以耕以  
耘厥功實營種不擇時水候雪消收獲宜早霜至

則周其人民賦性鄙野禮貌疎濶志守剛悍心懷  
險譎碧眼黃髯戎語嗚咽酌酒恃力尊卑無別其  
習俗歲時殊禮婚嫁非儀男執戾聞女工鮮知強  
弓快馬原野分馳爰處爰居移徙弗時其服食製  
皮為裘織毛為褐衿袂離披靴履斃斃粥和乳酪  
飲炙粗糲蒜韭羅貯腥膻雜割其會集架壘為蓬  
席地為庭蘆筒吸酒起坐紛然胡琴箏篋音響駢  
闐酣歌拍手醉舞踴躍其禽獸紫駝鳴川黃羊走

陸海魚無鱗沙雞無肉狐狼夜嗥鼯鼠晝伏征騎  
群嘶犂牛交逐其氣候寒暑靡常晨夕莫同經年  
積雪終日飄風邊塵四起斷梗飛蓬詭變乖宜疴  
疾反攻風俗著乎古昔非政教之所遷也方今重  
華繼統四夷賓伏朝貢以時輪蹄交蹙天馬水犀  
奇珍耀目分列侯牧懷來綏服總戎練兵較藝考  
績闢地屯種年登穀熟城郭堅完土田高沃賦稅  
適宜公私富足庫有餘資倉盈積粟絕域謠方皆

為臣僕夷面獸心更為裕俗雖聖化之敷遺亦大  
臣之司牧也嗟余生於吳會出自校書顧才能之  
委靡沐聖澤之汪洋列簪纓于朝署陪鴛鴦之翽  
翔力微任重萬死投荒倏年華之廿載久羈寓於  
此邦念前辜之莫贖盼天路之悠長嗟暮景之衰  
遲眺鄉關之渺茫登高望遠感慨徬徨紀風土之  
大畧歌昭代之時康忘已分之借踰綴鄙辭之荒  
唐命墨鄉之從事託行素而傳芳覽斯文之碩士

幸勿謂其非文狂

清順治分守道葉先登天梯積雪詩云嶺上何年  
雪炎曦却未消想同盤古闢匪直自今朝蜀犬見  
應吠夏蟲語總嘲子卿嗔不盡片片作瓊瑤

登武威城樓漫興

乘暇聊登北郭樓武皇威畧耀千秋神連塚並凌  
煙峻博望槎從天漢遊四郡重開追鳥蹟五涼迭  
謝復神州河山今日全中外極目氛銷佳氣浮



楷新編... 向山 今日令中... 自... 與

... 與



